



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱՅԻՆ ԱՍԵՐԻԿԱՅԻ ԱՐԵՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
Archbishop Moushegh Mardirossian, Prelate
Tel: 818-248-7737/8, Fax: 818-248-7745, E-mail: Prelacy@aol.com



ԱՌԱՋՆՈՐԴ ՍՐԲԱՉԱՆԸ ՎԵՐԱՄՈՒՏԻ ԱՌԱՄՕՏԸ ԲՈՒՆՈՐԵՑ
ԱԶԳ. Վ. ԵՒ Ա. ՇԱՄԼԵԱՆ ՎԱՐԺԱՐԱՆԻ ԱՇԱԿԵՐՏՈՒԹԵԱՆ
ՈՒ ԴԱՍՏԻԱՐԱՎԿՆԵՐՈՒՆ ՀԵՏ

Մեր Ազգային Վարժարանները Չորեքշաբթի, 6 Սեպտեմբերի առաւօտուն վերաբացին իրենց դուռները, շարժման մէջ դնելով ուսումնական 2007-2008 տարեշրջանը: Վերամուտը կատարուեցաւ աղօթքով ու կարճ արարողութեամբ մը, որուն մասնակցութիւն բերին ծխական շրջաններու հոգեւոր հովիւները:

Թեմիս բարեխնամ Առաջնորդ Բարձր. Տ. Սուշեղ Ս. Արք. Մարտիրոսեան վերամուտի առաւօտը բոլորեց Ազգային Վահան եւ Անուշ Շամլեան վարժարանի աշակերտութեան ու դաստիարակներուն հետ: Առաջնորդ Սրբազանին կողքին ներկայ էին Կլէնտէյլի Ս. Աստուածածին եկեղեցւոյ հոգեւոր հովիւներէն Արժ. Տ. Կոմիտաս Քինյ. Թորոսեան եւ Տ. Արտակ Քինյ. Տեմիրճեան: Ներկայ էին Ազգ. Վարժարաններու հնամակալ Մարմինի ներկայացուցիչ Տիար Ծորճ Զօրպաճեան եւ վարժարանի Ուսումնական Մարմինի ներկայացուցիչ Տիկին Ալին Պապայեան:

Այս առիթով, Առաջնորդ Սրբազանը պատգամ մը ուղղեց աշակերտներուն, վեր առնելով Հայ Դպրոցին ու հայեցի դաստիարակութեան բարիքները, որոնք կը բաշխուին իրենց՝ տնօրէնութեան ու դաստիարակներուն կողմէ: Առաջնորդ Սրբազանը յիշեցուց, որ Մեծի Տանն Կիլիկիոյ Վեհափառ Հայրապետին՝ Ն.Ս.Օ.Տ.Տ. Արամ Ա. Կաթողիկոսին կողմէ 2007 տարին հռչակուած է Հայ Լեզուի Տարի, հետեւաբար, ան յանձնարարեց ո՛չ միայն յատուկ հանդիսութիւններով ու ձեռնարկներով ընդառաջել Վեհափառ Հայրապետի կոչին, այլ նաեւ տարուան իւրաքանչիւր օրուան հետ վերահաստատել մեր լեզուին, դարաւոր մշակոյթին ու հոգեկան արժեքներուն հանդէպ հաւատարմութեան ուխտը:

Խօսք առին նաեւ վարժարանին տնօրէնը՝ Տիար Վազգէն Մատէլեան, փոխ տնօրէնը՝ Տիկին Ռիթա Գաբրիէլեան եւ Ուսումնական Մարմինի ներկայացուցիչը: Յայտնենք, որ վերամուտը մեր աշակերտութեան հետ բոլորող հոգեւոր հայրերը Առաջնորդ Սրբազանին գրաւոր պատգամը փոխանեցին աշակերտութեան:

PRELATE PRESIDES OVER OPENING OF NEW ACADEMIC YEAR AT VAHAN AND ANOUSH CHAMLIAN SCHOOL

On the morning of Wednesday, September 6, Prelacy schools commenced the 2007-2008 academic year with traditional opening ceremonies and prayers led by our pastors, who also conveyed to the students the Prelate's back to school message.

H.E. Archbishop Moushegh Mardirossian, Prelate, accompanied by St. Mary's pastors Rev. Gomidas Torossian and Rev. Ardag Demirjian, attended and participated in the opening of Vahan and Anoush Chamlian School. Also in attendance was Board of Regents representative Mr. George Chorbajian, and education committee representative Mrs. Aline Babayan.

On this occasion, the Prelate conveyed his message to the students in which he reminded the students that H.H. Aram I, Catholicos of the Great House of Cilicia, has declared 2007 the Year of the Armenian Language, urging them to coordinate various events to celebrate our language.

Principal Mr. Vazken Madenlian, Vice-Principal Mrs. Rita Kaprielian, and Mrs. Aline Babayan also delivered their remarks to the students.